

**Sud Bosne i Hercegovine**
Суд Босне и Херцеговине**Broj: S1 3 Iž 042033 22 Iž**
Sarajevo, 14.01.2022. godine**IZVORNİK**

Sud Bosne i Hercegovine u Sarajevu, u Apelacionom upravnom vijeću sastavljenom od sudija Zvezdane Antonović kao predsjednika vijeća, i Mirsade Džindo i Srete Crnjaka, članova vijeća, uz sudjelovanje Slavice Malinarić odlučujući o žalbi Vesne Ivković iz .., ... izjavljenoj protiv odluke Centralne izborne komisije Bosne i Hercegovine, broj: 06-1-07-1-502/21 od 23.12.2021. godine, u pravnoj stvari davanja saglasnosti na Odluku o imenovanju člana Gradske izborne komisije Livno, u nejavnoj sjednici, održanoj dana 14.01.2022. godine, donio je

RJEŠENJE**Žalba se odbija.****Obrazloženje**

Odlukom Centralne izborne komisije Bosne i Hercegovine, broj i datum navedeni u uvodu, nije data saglasnost na Odluku Gradskog vijeća Livno, broj: 01-02-2672/21-2 od 24.09.2021. godine kojom se na dužnost u članstvu Gradske izborne komisije Livno imenuju: Vesna Ivković.

Žaliteljica je blagovremeno uložila žalbu na navedenu odluku i to zbog povrede pravila postupka te je predložila da se žalba uvaži i pobijano rješenje poništi.

U obrazloženju žalbe navodi da je Centralna izborna komisija BiH na tri različite odluke Gradskog vijeća Livno donijela tri različita rješenja. a koim se na dviiie odluke daje saglasnost, dok se na treću ne daje saglasnost. Nadalje, navodi da joj je dana 04.01.2022.godine, od strane Gradskog vljeća Livna, zajedno sa rješenjima kojim se ne daje saglasnost na imenovanje Sladane Pejaković i Davorke Fabrij, dostavljeno novo rješenje Ccntralne izborne komisije BiH kojim se ne daje saglasnost niti na nieno imenovanje. Navodi i da je u obrazloženju ožalbenog rješenja navedeno da je po žalbi Gotovac Petra na imenovanje Sladane Pejaković. Sud Bosne i Hercegovine donio rješenje broj: S1 3 Iž 041805 21 Iž od 13.12.2021. godine, kojim se ukida navedeno rješenje i predmet vraća Centralnoj izbornoj komisiji BiH na ponovno

odlučivanje. Navodi i da to što je Sud BiH po žalbi na rješenje o davanju saglasnosti na imenovanje Slađane Pejaković. utvrdio da je u postupku njenog imenovanja dsudjelovala osoba koja je zbog krvnog srodstva trebala biti izuzeta od glasanja za njeno imenovanje, je u potpunosti irelevantno za postupak imenovanja i davanje saglasnosti na imenovanje Vesne Ivković.

U izjašnjenju na žalbu CIK BiH je predložio da se ista odbije kao neosnovana iz razloga što je pobijano rješenje doneseno na pravilan i potpun način u skladu sa odredbama Izbornog zakona BiH.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Pravilna je i zakonita odluka Centralne izborne komisije Bosne i Hercegovine kojom nije data saglasnost na imenovanje žaliteljice u članstvo Gradske izborne komisije Livno.

Iz stanja spisa proizilazi da je Centralna izborna komisija BiH je donijela rješenja broj: 06-1-07-1-502/21 od 18.11.2021. godine, kojim se daje saglasnost na imenovanje Slađane Pejaković i Vesne Ivković na dužnost u članstvu Gradske izborne komisije Livno i kojim se ne daje saglasnost na imenovanje Davorke Fabrij na dužnost u članstvu Gradske izborne komisije Livno.

Na Rješenje Centralne izborne komisije BiH broj: 06-I -07-1-502/21 od 18.11.2021 . godine, Apelacionom vijeću Suda BiH žalbe su podnijeli Davorka Fabrij, Josip Vidović i Petar Gotovac iz Livna, zbog davanja saglasnosti na imenovanje Slađane Pejaković na dužnost u članstvo Gradske izborne komisije Livno.

Sud BiH je Rješenjima broj: SI 3 Iž 041788 21 Iž od 08.12.2021. godine i broj: SI 3 Iž 041806 21 Iž od 10. 12.2021. godine je odbio žalbe Josipa Vidovića i Davorke Fabrij kao neosnovane.

Nadalje. Rješenjem Suda Bosne i Hercegovine broj: SI 3 Iž 041805 21 Iž od 13.12.2021. godine uvažena je žalba Petra Gotovca, ukinuto Rješenje Centralne izborne komisije Bosne i Hercegovine broj: 06-1-07-1 -502/21 od 18.11.2021. godine, kojim se daje saglasnost na imenovanje Slađane Pejaković na dužnost u članstvu gradske izborne komisije Livno i predmet je vraćen Centralnoj izbornoj komisiji Bosne i Hercegovine na ponovno odlučivanje.

U skladu sa članom 7. stav (1) tačka a) Uputstva. Gradskog vijeće Livno je donijelo Odluku broj: 01-02-617/21 od 11.03.2021. godine. kojom je. između ostalog utvrdilo da će postupak po Javnom oglasu za imenovanje tri Člana Gradske izborne komisije Livno provesti Komisija za izbor, imenovanje administrativna pitanja Gradskog vijeća Livno (u daljem tekstu: konkursna komisija). S obzirom da je u radu konkursne komisije učestvovala vijećnica Iva Krišto. koja je sestra prvorangirane

kandidatkinje i da se prilikom glasanja Gradskog vijeća Livno za imenovanje Sladane Pejaković na dužnost u članstvu Gradske izborne komisije Livno nije izuzela od glasanja, time je direktno došlo do sukoba interesa i povrede postupka izbora članova Gradske izborne komisije Livno. Naime, konkursna komisija je imala mogućnost da radi i odlučuje i u nepotpunom sastavu, u skladu sa članom 35. i 40. Poslovnika o radu Općinskog vijeća Livno („Službene novine Općine Livno”, broj 5/12), a istovremeno članica komisije, sestra izabrane kandidatkinje Sladane Pejaković, je propustila da zatraži svoje izuzeće u radu konkursne komisije.

Imajući u vidu naprijed navedeno i uputu Apelacionog odjela Suda BiH iz rješenja broj: SI 3 IŽ 041805 21 IŽ od 13.12.2021. godine, Centralna izborna komisija BiH je donijela ožalbeno rješenje kojim se ne daje saglasnost na odluku Gradskog vijeća Livno broj: 01-02-2672/21-2 od 24.09.2021 . godine, kojim se na dužnost u članstvu Gradske izborne komisije Livno imenuje Vesna Ivković.:

Neosnovano se žalbom ukazuje da činjenica da je u postupku njenog imenovanja sudjelovala osoba koja je zbog krvnog srodstva trebala biti izuzeta od glasanja za neno imenovanje, je u potpunosti irelevantno za postupak imenovanja i davanje saglasnosti. Centralna izborna komisija BiH je u ponovnom postupku, pravilno utvrdila da rang-lista uspješnih kandidata, koju je konkursna komisija dostavila Gradskom vijeću Livno na odlučivanje nije pravilno utvrđena, iz kojih razloga su donesene odluke kojim se ne daje saglasnost na imenovanje iz kojeg od kandidata sa rang liste utvrđene na naprijed navedeni način.

Naime, neizuzimanjem prilikom glasanja dovedena je u pitanje pravilnost i zakonitost donesene odluke o izboru, čak i u slučaju kada su ispoštovane procedure propisane Uputstvom o utvrđivanju kvalifikacija, imenovanju i razrješenju i obuci članova izborne komisije osnovne izborne jedinice u BiH, posebno imajući u vidu činjenicu da je izabrana komisija imala mogućnost da radi i odlučuje i nepotpunom sastavu, kako je to propisano Poslovníkom o radu Općinskog vijeća Livno.

Dakle, nakon što je rješenjem Suda BiH broj: SI 3 IŽ 041805 21 IŽ od 13.12.2021, godine ukinuto Rješenje Centralne izborne komisije Bosne i Hercegovine broj: 06-1-07-1-502/21 od 18.11.2021. godine, te nakon što je utvrđeno da rang-lista kandidata nije pravilno utvrđena Centralna izborna komisija BiH je donijela rješenja kojim nije dala saglasnost na imenovanje Sladane Pejaković, Vesne Ivković i Davorke Fabrij.

Naime, da je Centralna izborna komisija BiH, nakon što je utvrdila da rang lista kandidata nije pravilno utvrđena, donijela samo rješenje kojim se ne daje saglasnost na imenovanje Sladane Pejaković. Postupanjem bi imenovana bila dovedena u neravnopravan položaj, odnosno bilo bi joj onemogućeno da učestvuje u izboru za člana Gradske izborne komisije Livno iz razloga što je u srodstvu sa članom konkursne komisije.

Obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu,

primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Zapisničar
Slavica Malinarić

PREDSJEDNIK VIJEĆA
SUDIJA

Zvezdana Antonović